

## Pol ndê bapia tilu-nga têtj Timoti Yom whê bapia dindéc sa-nga

Pol ndöc gapocwalô ndöc Rom, ma kêsahê bu ñasawa saun oc sêndic inj ndu, dec to ndê bapia tilu-nga dindéc têtj Timoti. Pol tac whinj Timoti ndu andô, ma to bapia dindéc bu puc inj dôñ bu lhac ñannga, ma maya dau me töc dau dom bu hoc ñawaê ñayham asê. Inj tac whinj bu Timoti lhac gitôm Yisu ndê ñgac siñ-nga ñayham dan. Ma Pol gêm la Timoti bu yob dau tu métê sac tidau-tidau nan oc êñsôwec tiatu têtj têtj ñambu-nga, ma kêñ puc inj pi kédôhônwaga tasan.

### *Pol gic hu ndê bapia*

<sup>1</sup> Aö Pol, nan gati Yisu Kilisi ndê †aposel kêtuc Anötö ndê atac whinj. Inj gic bata bu lau nan sêkên whinj Yisu Kilisi oc sêtap sen sêndöc tali-nga sa, dec kêyalinj aö sa gati aposel, bu wahoc yom dau asê têtj lau. <sup>2</sup> Gato bapia dindéc têtj anen atungac tac whinj-nga, am Timoti. Mwasinj ti tawalô ma yom malô akên Daman Anötö lu yac nen Pômdau Yisu Kilisi têtj am.

### *Pol puc Timoti dôñ*

<sup>3</sup> Aö gam akin Anötö têtj daman sêkôm, ma galhac inj anğô-nga ti atac pa su tu anen lêtj-nga. Ma têtj ôbwêc ti acsalô, aö gauc gêm am yêc anen mbec ñalôm, ma aö gam danje Anötö tu am-nga. <sup>4</sup> Aö gauc gêm ndoc nan hêclu dahu dauñ siñ, ma am

tañ. Tu dinañ-nga aö tac whiñ bu walic am tiyham, oc kôm aö atac ñayham sa. <sup>5</sup> Ma aö gauc gêm am nem lêñ kêñ whiñ ñañga-nga. Aö kayalê bu am nem pômwê Lois lu dinam Yunis sêkêñ whiñ ñañga, ma gakêñ whiñ bu am kêkuc iñlu si lêñ. <sup>6</sup> Tu dinañ-nga dec aö bu waterñ am bu gauc nem Anötö ndê mwasiñ nañ am kôc têtñ ndoc aö gakêñ amañ sac am. Lhac ñañga ma kôm gwelenñ ña mwasiñ dau ña-ñaclai, gitôm am kôm ya golom tiatu. <sup>7</sup> Anötö kêñ ndê Ñalau têtñ yac, ma bocdinañ dec datöc dauñ tu sake-nga? Iñ kêñ ndê Ñalau tu kêñ ñaclai têtñ yac, ma tu dambo ti mêtê atac whiñ lau-nga, ma dayob dauñ neñ lêñ-nga.

<sup>8</sup> Bocdinañ mayam daôm tu hoc yom asê pi yac neñ Pômdau-nga dom. Ma mayam tu aö gandöc gapocwalô tu iñ-nga dom. Mba! Lhac ñañga whiñ aö ma hêclu dahôc ñawapac tu Yisu ndê ñawaê ñayham-nga, tôm Anötö dau kêñ ndê ñaclai bu puc hêclu dôñ. <sup>9</sup> Iñ gêm yac si ma kêgalêm yac sa bu dasa iñ ndê lêñ dabuñ. Iñ kôm gêñ dau tu yac neñ ñayham dañ-nga dom. Magoc iñ kôm tu iñ dau ndê mêtê atac whiñ ti êmwasiñ yac-nga. Têtñ têtñ iñ kêñ undambê ti nom su dom, nañ iñ kêmatiñ yom tidôñ bu êmwasiñ yac tu Yisu Kilisi-nga. <sup>10</sup> Ma yac neñ †Ngac Nem Yac Si-nga Yisu Kilisi meñ hóc asê nom su, dec Anötö ndê mwasiñ dau meñ tiawê. Ma ñawaê ñayham têtñ asê bu Yisu Kilisi ku ñaclai dambac ndu-nga dulu, ma iñ ti yac neñ señ dandöc tañli ñapañ-nga. <sup>11</sup> Ma tu ñawaê ñayham dau-nga, dec Anötö kêyalinñ aö sa gati ñgac ahenñ-nga ma aposel, ma kêkinñ aö bu wandôhônñ lau. <sup>12</sup> Tu dinañ-nga dec gahôc ñawapac dindec. Magoc aö mayañ

daun dom, galhac ti atac pa su. Nahu bu aö gakêñ whiñ Yisu Kilisi, ma aö kayalê in tidôn. Ma gakêñ daun ti neñ gêñ hon sip in amba, ma gakêñ whiñ bu in gitôm bu yob ñapep e bêc ñambu-nga.

<sup>13</sup> Yom ñandô nañ aö kadôhôn têt am, nañ kôc dôñ gitôm dôhôn ñayham bu êndôhôn têt lau. Ma lêt dakêñ whiñ-nga ti atac whiñ asidôwai-nga, nañ gic lau sêkêñ whiñ Yisu Kilisi-nga ñawaê, nañ am sap dôñ ñanga. <sup>14</sup> Nalau Dabuñ nañ mbo yac lau dakêñ whiñ-nga neñ ñalôm, nañ puc am dôñ bu yob yom ñandô dakêñ whiñ-nga nañ aö gakêñ sip am amam su.

<sup>15</sup> Am kêyalê bu Pigelas lu Hemogene ma lau Esia-nga hon nañ sêmbo malac Rom, nañ sêhu aö sin su. <sup>16</sup> Magoc aö wateñ Pômdau bu tawalô Onesiporas ti ndê gôlôwac hon, nahu bu in gêm aö sa tidim daêsam. Ma in maya tu aö gandôc gapocwalô-nga dom. <sup>17</sup> Têt ndoc in hôt asê malac Rom, nañ kêsalê aö ñanga e tap aö sa. <sup>18</sup> Ma am kêyalê su bu têt ndoc aö gambo malac Epesas, nañ in gêm aö sa daêsam. Tu dinan-nga aö wateñ Pômdau bu tawalô in, ma nem in sa têt bêc ñambu-nga.

## 2

<sup>1</sup> Bocdinañ aneñ balê, lhac ñanga tôm Yisu Kilisi ndê mwasin puc am dôñ. <sup>2</sup> Yom nañ aö gahoc asê yêc lau daêsam anğô-nga, nañ am ngô su ma kêyalê. Kwahic dec aö bu wasôm têt am bu êmyalin lau ñatô sa, nañ sêsap Kilisi ma yom ñandô dôñ ñanga, ma êmdôhôn yom dau têt ñac e sênyalê tidôn, goc sêkôm gwelen sêwhiñ am ma sêndôhôn lau ñatô.

<sup>3</sup> Lhac ñanga ma hôt ñawapac whiñ yac, tôm Yisu

Kilisi ndê ngac siŋ-nga ŋayham dan. <sup>4</sup> Ngac siŋ-nga ŋayham kôc gauc pi in ndê gwelen ndic siŋ-nga ŋapan, ma hêgo dau tu gêŋ ŋatô-nga dom. Nahu bu in bu kôm gêŋ hoŋ tôm in ndê ŋadau tac whin. <sup>5</sup> Ma ŋalêŋ tigen, asa nan kêti whin lau nan sêti tu sêhôt gêgêlêc dandi-nga, nan kêti kêkuc ŋagôlin solop. In bu êŋkuc ŋagôlin dom, dec oc tôm dom bu in kôc ŋaôli nan gic waê ngac ŋamata-nga. <sup>6</sup> Ma ŋalêŋ solop bu ngac gwelen andô kôc gêŋ ŋandô tu neŋ-nga yêc ndê ôm tiŋamata. <sup>7</sup> Kôc gauc pi aneŋ yom hoŋ dindec, bu Pômdau oc whê am nem gauc sa pi yom dau nahu.

<sup>8</sup> Am bu hôt ŋawapac, dec gauc nem Yisu Kilisi nan sa akêŋ Dawid ndê toŋ, nan Anötô uŋ in sa akêŋ lau batê-nga. Nawaê ŋayham nan aô gahoc asê, nan nahu in dau. <sup>9</sup> Tu nawaê ŋayham dau-nga, dec gahôt ŋawapac ma sêsô aô dôŋ ŋa sen gitôm ngac sac dan. Nac sêsô aô dôŋ, magoc oc tôm dom bu sêsô Anötô ndê yom dôŋ. <sup>10</sup> Aô galic ŋayham bu wahôt ŋawapac, tu bu wanem lau nan Anötô kêyalin ŋac sa muŋ su, nan sa. Aô bu watôt seŋ têŋ ŋac bu sêtap Anötô ndê mwasin nem ŋac si-nga sa tu Yisu Kilisi-nga, ma sêndöc tali ŋapan yêc Anötô ndê gamen ŋawê-nga.

<sup>11</sup> Yom dindec in yom ŋandô solop:

Yac bu dambac ndu dawhin Yisu, oc dambo tanli dawhin in bocdinaŋ.

<sup>12</sup> Yac bu dalhac ŋanŋa têŋ ndoc ŋawapac tap yac sa, dec yac oc danem gôlin dawhin in.

Yac bu dasôm bu dati in ndê dom ma dasêc in ahuc, dec in oc sêc yac ahuc bocdinaŋ.

<sup>13</sup> Yac bu dakêŋ whin gwalec, tigen Yisu in Yom

Ñandô Ñadau, ma yom bocke nanj inj gic bata tu yac-nga, nanj oc kôm ñandô sa. Ñahu bu inj gitôm dom bu sêc dau ndê yom ahuc.

*Anötö ndê lau gwelen-nga si lêj*

<sup>14</sup> Yom honj dindec, am kêj lhac gôlôwac dabunj si gauc ñapanj e tidônj ñac. Yêc Anötö anjô-nga kêj puc ñac bu sêsenj dandi tu yom ñambwa-ñambwa-nga dom. Ñac bu sêsenj dau, dec oc ñandô mba, ma oc kôm lau ñatô si sêkêj whinj tisac. <sup>15</sup> Êmsahê ñanja bu kôm nem gwelenj honj bu ndic Anötö tandô ñayham. Ma inj oc lic am gitôm ñgac gwelen-nga ñayham nanj whê inj ndê yom ñandô sa ñapep, ma gêj danj oc kôm am mayam daôm dom. <sup>16</sup> Ndic ahê lau nanj sêjlnhij Anötö sinj ma sem yomgalôm pi gêj ñambwa-ñambwa nom-nga ñapanj. Bu lau nanj sêsap yom kainj dinanj dôj, nanj si mêtê sac oc êjsôwec tiatu ñapanj e sêhu Anötö sinj gacgenj. <sup>17</sup> Ma yom dau oc tiapa ma kôm lau sêtisac, nditôm gambobôm sac nanj gêj lau tidac-tidac. Himeneus lu Piletus sêmbu lau dinanj si toj ñalôm. <sup>18</sup> Inju sêhu yom ñandô sinj su. Sêsôm têtj lau bu ndoc lau sêtisa akêj lau batê-nga menj hôc asê su. Ma bocdinanj sêkôm lau ñatô si sêkêj whinj tisac.

<sup>19</sup> Magoc Anötö ndê yom ñandô inj gitôm alhö ñanja, nanj inj po inj ndê gôlôwac dabunj sa sêlhac ñahô. Ma inj kêj yom ñalhô dinda lu têtj yac bocdec bu, “Lau nanj sêti Pômdau ndê lau, nanj inj kêyalê ñac honj tidônj,” ma “Lau honj nanj sêsôm bu sêkêj whinj Pômdau, nanj sêhu mêtê sac honj sinj manj.”

<sup>20</sup> Wapa gwelen-nga tidau-tidau yêc ñgac ti lêlôm ndê andu ñalôm. Ñatô gic waê gwelenj tiwaê, ma ñatô gic waê gwelenj bambalinj. Gêj tiwaê sêmasanj

ɲa gol ma silba, ma gɛɲ waɛmba sɛmasaɲ ɲa a me nom. <sup>21</sup>Ma yɛc yac ɲamalac bocdinaɲ. Mɛtɛ daɛsam yɛc tu taɲkuc-ɲga. Asa naɲ timɛtɛ dau ɲapɛp ma hu mɛtɛ sac hoɲ siɲ, naɲ gitɔm gɛɲ naɲ sɛmasaɲ ɲa gol ma silba. In ɔc ti ɲgac akiɲ ɲayham ma dabuɲ bu nem akiɲ yac neɲ ɲadau, ma in ɔc tɔm bu kɔm gwelɛɲ ɲayham-ɲayham daɛsam.

<sup>22</sup>Mɛtɛ ɲalɔm ɲagalac-ɲga naɲ balɛi sɛkɔm, naɲ hu siɲ gacgɛɲ. Ma ɛmkuc lɛɲ gitɛɲ ti mɛtɛ dakɛɲ whiɲ-ɲga ti atac whiɲ lau-ɲga ma lɛɲ yom malɔ-ɲga, tɔm lau naɲ sɛkɛɲ whiɲ Pɔmdau sɛkɔm ti ɲalɔm ɲawasi ɛɲ. <sup>23</sup>Lau naɲ sɛsɛɲ dau tu yom gauc mbasi-ɲga, naɲ ndic sɔɲ daɔm whiɲ ɲac dom. Bu yom kairɲ dinaɲ ɔc li lau sa ma sɛkɛɲ kisa dandi.

<sup>24</sup>Asa naɲ bu ti Pɔmdau ndɛ ɲgac akiɲ ɲayham, naɲ ndic ahɛ yom naɲ kɔm lau sɛsɛɲ dau-ɲga maɲ. Ma in kɔc ndɛ ɲalɔm dɔɲ ma tac ɲandɛ ɲagahɔ tu gɛɲ naɲ lau sɛkɔm tɛɲ in-ɲga, naɲ dom. ɲayham bu in ɲgac tigauc naɲ gitɔm bu ɛndɔhɔɲ lau ɲatɔ, ma in kɔm mɛtɛ malɔ ti ɲayham tɛɲ lau hoɲ. <sup>25</sup>Lau naɲ bu sɛsɛɲ Anɔtɔ ndɛ yom ɲandɔ, naɲ goc in ɔc ɛndɔhɔɲ ɲac ti ndɛ ɲalɔm malɔ, bu mboe Anɔtɔ ɔc kɛɲ ɲac sɛnem si ɲalɔm kwi, ma whɛ ɲac si gauc sa e sɛɲyalɛ yom ɲandɔ. <sup>26</sup>ɲac ɔc sɛɲyalɛ bu muɲ-ɲga sɛpɛɲ sɛsip Sadaɲ ndɛ akɔ si, ma sɛti in ndɛ lau akiɲ ɲambwa naɲ sɛkɔm tɔm in atac whiɲ. Magoc ɲac bu si gauc sa ma sɛnem dau kwi, dec ɔc tɔm bu sɛhu Sadaɲ siɲ ma sɛsa Anɔtɔ ndɛ lɛɲ.

### 3

*Mɛtɛ sac tɛm ɲambu-ɲga-ɲga*

<sup>1</sup> Aö wasôm têḅ am bu têḅ têm ḅambu-ḅga mêtê sac daêsam oc meḅ sa. <sup>2</sup> Lau oc atac whiḅ dau ma atac whiḅ mone hôc gêlêc, ḅac oc sêpo dau sa ma sêsôm yom sêtoc dau sa-ḅga daêsam, sêsôm yom sac-sac daêsam, daḅgapêc têḅ damba ti dindai, sênem daḅge lau naḅ sêkêḅ gêḅ têḅ ḅac-ḅga dom, ma sêtec mêtê dabuḅ ti mêtê gitêḅ. <sup>3</sup> ḅac oc atac whiḅ lau dom ma sêsôm yom sac pi ḅac, ma ḅac oc sêsuc lau ḅatô si yom kwi dom. ḅac oc sênem gôliḅ dau si lêḅ ḅapep dom, sêkôm gêḅ hoḅ bambaliḅ tôm si atac whiḅ, sêndic lau ti sêkôm ḅac ḅayom, ma sêtec mêtê ḅayham ti gêḅ ḅayham hoḅ. <sup>4</sup> ḅac lau sêpêḅ biakiḅ-ḅga, lau naḅ si lêḅ saḅsalaḅ, ma lau sêtoc dau sa-ḅga. ḅac atac whiḅ Anötô dom, tigeḅ ḅac atac whiḅ gêḅ ḅayham-ḅayham nom-ḅga hôc gêlêc su. <sup>5</sup> ḅac sêsa si lêḅ gitôm sem akiḅ Anötô, tigeḅ sêsêc iḅ ndê ḅaclai ahuc. Am mbo ahê lau kaiḅ dinaḅ hoḅ. <sup>6</sup> Bu ḅac si lau ḅatô sêmbac yom lau e lau dau sêkôc ḅac sa. Ma sêndôhônḅ ḅac si yom tasanḅ têḅ lauwhê gauc babalê, e lauwhê dau sêsôc ḅac si yom ḅapu. Lauwhê kaiḅ dinaḅ mêtê sac ti mêtê ḅalôm ḅagalac-ḅga gêm ḅac si ḅalôm ahuc. <sup>7</sup> ḅac atac whiḅ bu sêḅgô yom daêsam, ma tac whiḅ bu lau sêndôhônḅ ḅac, magoc ḅac si gauc sa dom pi yom bocke iḅ yom ḅandô. <sup>8</sup> Kêdôhônḅwaga tasanḅ dinaḅ sêkêḅ kisa yom ḅandô tôm Yanis lu Yambres sêkêḅ kisa Moses.\* ḅac si gauc tisac su, ma ḅac si sêkêḅ whiḅ Anötô mbasi sambuc. <sup>9</sup> Magoc ḅac si

---

\* **3:8:** Yanis lu Yambres - ḅac lu dinaḅ si ḅaê yac oc datap sa yêc Yom Lêḅsêm Akwa dom. Magoc lau ḅatô gauc gêm bu iḅlu ḅac mbectoma lu naḅ sêkôm gêḅ dalô bu sêhóc gêlêc gêḅ dalô naḅ Moses kôm. Alic Eks 7:11, 22; ma 9:11.

gwelenj oc nem nhandô dom, njahu bu lau tiguauc honj oc sênyalê bu njac si lênj inj lênj gauc mbasi-njga, tôm Yanis lu Yambres si lênj.

### *Pol gêm la Timoti*

<sup>10</sup> Am daôm kêyalê aô tidônj. Am kêyalê yom honj nanj aô kadôhônj, ti anenj lênj gambo-njga, ma njahu bocke dec gakôm gwelenj, anenj lênj gakênj whinj-njga ti atac whinj lau-njga, ma lênj galhac njanga ma gahôc njawapac ti atac malô-njga. <sup>11</sup> Am kêyalê gênj honj nanj hôc asê aô yêc malac Antiok, malac Aikoniam ma malac Listra, ma njawapac ti nhandê honj nanj aô gahôc. Magoc Pômdau kêgaho aô su yêc gênj honj dinaj. <sup>12</sup> Yomandô wasôm tênj am. Lau honj nanj sêkênj whinj Yisu Kilisi, ma atac whinj bu sêsa lênj gitênj, nanj lau oc sêkênj kisa njac bocdinaj. <sup>13</sup> Ma lau sac ti lau tasanj si lênj sac oc tisac sambuc. Njac oc sênsau lau ma lau oc sênsau njac.

<sup>14</sup> Ma am daôm, yom nanj am kêdôhônj ma kênj whinj su, nanj sap dônj. Njahu bu lau nanj sêndôhônj am, nanj am kêyalê njac ti njac si lênj gitênj su. <sup>15</sup> Tênj ndoc am mbo balê, nanj am kêyalê Anötö ndê yom dabunj nanj sêto yêc nanj. Yom dau gitôm bu kênj gauc tênj yac e dakênj whinj Yisu Kilisi ma datap Anötö ndê mwasinj nem lau si-njga sa. <sup>16</sup> Ma Anötö ndê yom honj nanj sêto yêc nanj, inj ndê Njalau gêm gôlinj lau dec sêto. Bocdinaj yom dau inj njayham bu tandôhônj tênj lau, tu datôc lau si giso asê ma tamatôc njac-njga, ma tu dawhê Anötö ndê lênj gitênj sa-njga. <sup>17</sup> Yac dakôm bocdinaj tu bu Anötö ndê lau sênyalê inj ndê yom honj tidônj, ma yom dau nem njac sa e sêkôm si gênj sambob njapep enj.



## 4

<sup>1</sup> Am kêyalê bu Yisu Kilisi oc mbu meŋ ti ŋaclai atu bu nem gôliŋ gêŋ hoŋ, ma iŋ oc êŋsahê lau tali ma lau batê pi ŋac si mêtê. Yêc iŋ aŋgô-ŋga, ma yêc Anötö aŋgô-ŋga, aö bu wandic yomsu am bocdec bu. <sup>2</sup> Nem mêtê lau, ma whê Anötö ndê yom sa têŋ ŋac tôm têm hoŋ. Kêŋ puc lau bu sêkôm sac dom, ma ŋac naŋ sêkôm giso, naŋ tôc ŋac si giso asê e sêkac si ŋalôm kwi. Êmgilí lau hoŋ bu sêlhac ŋaŋga. Puc daôm dôŋ ma lhac ŋaŋga ti atac pa su. Ma whê gêŋ hoŋ sa yêc awê têŋ lau. <sup>3</sup> Bu têm oc meŋ sa, naŋ lau oc sêtec bu sêŋgô yom ŋandô pi Anötö ndê lêŋ. Magoc ŋac oc atac whiŋ bu sêŋgô yom naŋ puc ŋac dôŋ bu sêkôm mêtê sac-sac tôm ŋac dau si atac whiŋ. Tu dinaŋ-ŋga dec ŋac oc sêsap kêdôhônŋwaga tasaŋ dôŋ, ma sêhê danŋa ŋac si yom ŋapep eŋ. <sup>4</sup> ŋac oc sêpôc danŋasun ahuc têŋ yom ŋandô, ma tac whiŋ bu sêŋgô lau andô si miŋ ŋambwa-ŋambwa.

<sup>5</sup> Magoc am ŋgac daôm ŋgô. Yob daôm bu kôm gêŋ hoŋ ti gauc eŋ. Hôc ŋawapac ti atac pa su, hoc ŋawaê ŋayham asê têŋ lau, ma kôm am nem gwelen nem akiŋ Anötö-ŋga hoŋ ŋapep ma ti atac whiŋ.

<sup>6</sup> Ma aö dauŋ dec, kasahê bu têm meŋ kêpiŋ bu wahu nom dindec siŋ. Aneŋ têm wambo nom-ŋga gitôm laclhu wain-ŋga naŋ sêkêc pi alta ti da têŋ Anötö, ma kêpiŋ bu pacndê. <sup>7</sup> Aö galhac ŋaŋga ma gac siŋ tu Anötö ndê yom ŋayham-ŋga, aö kati e gahôc asê ŋabatiŋ su, ma gakôc aneŋ gakêŋ whiŋ dôŋ. <sup>8</sup> Pômdau, yac neŋ ŋgac gitêŋ êmatôc yac-ŋga kêmasaŋ ŋaôli ŋayham bu kêŋ têŋ lau gitêŋ têŋ bêc ŋambu-ŋga. Ma malô aö watap ŋaôli ŋayham dau sa.

Magoc aö tañwasêñ dom. Lau hoñ nañ sêkêñ bata Yisu bu mbu meñ, nañ oc sêtap si ñaôli ñayham sa bocdinañ.

*Pol tac whiñ bu Timoti têñ inñ ndi*

<sup>9</sup> Aö tac whiñ bu am êmasañ daôm ñagahô ma têñ aö mwenj. <sup>10</sup> Bu aö kakiñ Kresens têñ gameñ Galesia-ñga gi, ma Taitus têñ gameñ Dalmesia-ñga gi. Ma Demas hu aö siñ ma kölhô têñ malac Tesalonika gi, ñahu bu inñ tac whiñ gêñ nom-ñga hóc gêlêc su. <sup>11-12</sup> Aö kakiñ Tikikus têñ malac Epesas gi su, ma Luk tawasê dec mbo whiñ aö. Têñ ndoc am mwenj, goc kôc Mak whiñ am, bu inñ ñgac ñayham bu nem aö sa tu aneñ gwelen-ñga. <sup>13</sup> Ma kôc aneñ ñakwê baliñ nañ gahu siñ whiñ Kapus yêc malac Troas, ma kôc aneñ bapia tilhuñ. Ma aö tac whiñ ñandô bu am kôc aneñ bôc ñamlic ñatô, nañ sêto Anötö ndê yom pi, nañ whiñ.

<sup>14</sup> Aleksanda, ñgac pec ain-ñga dinañ, inñ kêñ kisa aö ma kôm mêtê sac daêsam têñ aö. Pômdau oc kêñ ñagêyô têñ inñ, êñkuc inñ ndê mêtê sac. <sup>15</sup> Yob daôm tu inñ-ñga, bu inñ kêñ kisa yac tu gwelenj ñawaê ñayham-ñga, ma kalhac lau ahuc bu sêñgô dom.

<sup>16</sup> Têñ ndoc ñamata-ñga nañ lau Rom-ñga sêmatôc aneñ yom, nañ lau dañ sêpuc aö dôñ dom, hoñ sêhu aö siñ. Magoc aö wateñ Anötö bu suc ñac si giso kwi. <sup>17</sup> Têñ ndoc dinañ Pômdau dau kalhac whiñ aö ma puc aö dôñ, dec gam mêtê hoñ timala ma ñlau gameñ apa-ñga hoñ nañ sêmbu andu sêmatôc yom-ñga, nañ sêñgô. Ma inñ kêgaho aö su yêc layon

whasuᅇ.\* <sup>18</sup> Ma aö gakêᅇ whiᅇ bu iᅇ oc nem aö si yêc gêᅇ hoᅇ naᅇ lau sac bu sêkôm têᅇ aö, ma kêᅇ aö wandöc ᅇayham yêc iᅇ ndê gameᅇ undambê-ᅇga. Dahoc iᅇ ndê waê asê kwahic dec ma tôm bêc hoᅇ ndi. Yomandô!

*Yom ᅇambu-ᅇga*

<sup>19</sup> Kôm aneᅇ acsalô ᅇayham têᅇ Prisila lu iᅇ nakweᅇ Akwila ma têᅇ lau hoᅇ naᅇ sêmbô Onesiporas ndê andu. <sup>20</sup> Erastas gacgeᅇ mbo malac Korin, ma gahu Tropimus siᅇ mbo malac Miletus, bu iᅇ gêmbac. <sup>21</sup> Aö tac whiᅇ bu am mweᅇ ᅇagahô, ma hôc asê dindec muᅇ su, naᅇ goc ndoc uhô-ᅇga. Yubelas lu Pudens, ma Lainas lu Klaudia ma asidôwai gameᅇ dindec-ᅇga hoᅇ sêkêᅇ si acsalô têᅇ am. <sup>22</sup> Pômdau whiᅇ am ma iᅇ ndê mwasiᅇ puc mac hoᅇ dôiᅇ.

---

\* **4:17:** Pol sôm bu Pômdau gêm iᅇ sa bu layon seᅇ iᅇ dom. Têᅇ têm dinaᅇ lau naᅇ sêkêᅇ kisa lau sêkêᅇ whiᅇ-ᅇga naᅇ sêkêᅇ daêsam têᅇ layon seᅇ ᅇac. Tigeᅇ ᅇac sic yao bu sêkêᅇ lau Rom-ᅇga têᅇ layon dom. Pol iᅇ ᅇgac Rom-ᅇga (Apo 16:37) ma tu dinaᅇ-ᅇga lau atu-tu gauc gêm bu Pol ndê yom dinaᅇ iᅇ gitôm yom gôliᅇ, ma lau sac naᅇ sêkêᅇ kisa iᅇ, naᅇ iᅇ gêm dôhôiᅇ ᅇac pi layon.

**Anötö ndê Yom Lêñsêḿ Wakuc**  
**The New Testament in the Bukawa language of Papua**  
**New Guinea**

**Nupela Testamen long tokples Bukawa long Niugini**

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

---

PDF generated using Haiola and XeLaTeX on 21 Apr 2023 from source files dated 9 Oct 2020

545e5ca3-1e95-59e4-8380-93951e023cf7